







馮光祿詩集卷之八

北海馮惟訥著

姪孫琦

孫文珣校緝

七言律詩

隴上春初寄大石

十年不見李將軍  
匹練遙傳錦繡紋  
忽憶揮毫當酒半  
尚疑刻燭坐宵分  
河橋歷歷看征鴈  
隴首霏霏有斷雲  
惆悵王孫歸未得  
更堪春草惜離羣

丁巳元夕

去年此日侍鵷行勝事都聞出尚方  
瑤島圖仙丹鳳下珠宮銜綵燭  
龍翔九衢併引春風入萬戶爭  
留明月光遙憶皇心忻道泰况聞凱奏入長楊  
上元後夜制府別苑燕集一首

邊城明月淨氛埃幕府張燈綺席開  
百丈遊絲牽寶樹千林花萼照璇臺  
旌旗裊裊春風入蕭鼓沉沉夜漏催  
聞道羽書頻獻捷恩光昨日建章來  
衛原孟公別我齊郡十年矣丁巳之夏自西

涼行省遷浙江觀察使錢別於秦州太昊宮  
即席賦此

懷君持節駐東秦谷口時時訪隱淪  
忽見河湟千里駕共嗟瀛海百年身  
聞歌尚想山公曲撫景翻疑棠樹春  
無那相逢又相別獨憐華髮滯風塵

中使劉松菴席上壽周葛村  
仙人食棗大如瓜塵劫今看幾歲華  
海上樓臺長駐日洞中歌曲共飄霞  
瑤宮九十春方永蓬海三千路不賒  
歌向天台訪遺跡試從流水覓桃花  
時



歌劉阮事故云

春夜宴集劉松菴郊園懷舊兼別東河使君  
西郊花柳重芳菲往歲同遊半已非遺墨尚存詩  
滿壁高情却憶醉言歸華堂客喜新傾蓋白苧歌  
憐舊舞衣此夜尊前歎萍梗更堪明發與君違

岐鳳懷音贈高廉泉

岐山雙起鬱岩堯鳴鳳于今久寂寥自有使君銜  
瑞命即看靈鳥下丹霄九苞隱映祥雲近千仞翻  
飛別路遙此日歌聲動閨隴併將絃管入蕭韶

贈賈彭原太守

羨君青鬢早懸輿問訊枌榆始定居三選即開陶  
令宅十年不上賈生書未論宣室虛前席終見磻  
溪起後車嘯詠清時真不忝秋風吾亦愛吾廬

已未秋日再至徽山辱郭省亭招燕書此奉

謝蕪叙別懷

河池近接鳳凰臺使節長隨候鴈來塵世幾逢桑  
葉熟山城再見菊花开淹留絕塞悲馮衍笑傲清  
時羨郭隗便欲與君成遠別春風去剪壯山萊

秋日常同參伯邵公遊鳳凰山

鳳凰高閣俯晴空萬里蚕叢此路通遠近川原秋色裏參差草樹夕陽中尊前舞袖翻霜葉天外清笳咽塞鴻回首舊遊成夢隔獨將遲暮嘆征蓬

夏日遊靈岩寺

嘉陵江色晚澄鮮画鷁乘風並列仙窈窕一山開寶地岩堯雙闕表諸天金光近接三珠樹法界長飛八水泉此日洞中應識主欲辭朱紱叩玄玄

奉輓泉翁年伯詩三首

萬壑悲風慘暮天忽聞梁木委重泉懷中已下新

安淚軼上猶橫大史編

聞計時方在車中讀公所著郡記

海岱幾

年傳舊澤空同何日起遺賢先人同榜推傷盡細讀殘碑一泫然

曾作先皇侍從臣十年踪跡走風塵  
華日授鉞嵩河寵渥身已見龍蛇歸大澤那堪題  
鳩叫高旻于今白首還粉櫝目極堯天感至仁  
城上凝雲澹欲沉長天魂返暗楓林空庭寂歷餘  
懸磬塵榻蕭條有教衾一代雄文天馬賦半生幽



抱水龍吟荆山楚水遺篇在誰辨先王獻玉心  
元日山陰西樓燕集分韻得雲字  
曉日初開碧殿燮欣從醴席侍蘭芬淮南舞曲春  
邊度鄴下詩曹醉裏分凍水寒聲猶寂歷條山佳  
氣轉氛氲遙知北闕呼嵩處太史新占五色雲

韓石谷席上同河中諸士守歲賦此

高閣沉沉燭影斜共歌金縷媚椒花十年分席龍  
門客此夜專城虎賁家北闕幾占新日月東山  
重問舊烟霞相逢無限并州思何用愁顏惜歲華

初春燕上盤別館即席賦贈

主家山第甲南皮結竹新成小檻宜地接珠城高  
作埒水流銀漢曲通池金尊入夜光華泛綵勝分  
春刻漏移聞道王孫能愛客歡娛終燕不知疲

贈韓石谷閩帥

聞君昔着鷓鷯冠早歲曾登上將壇剖竹三年慙  
御李握符千里獨推韓逶迤朔塞揚旌入突兀空  
同倚劔看五十辭官頭未白燕然勲業定誰刊

自余絳守胡順川燕席作

自余攬轡度西京君縮銅符鎮赤城秦晉雲山千  
里夢淄濰粉檟百年盟慙無籌策裨知己喜有絃  
歌慰別情莫訝酒杯頻入手明朝官柳是離程

春夜燕張條岩戶曹招隱園臨別賦贈

憶在河中別使君十年芳草怨離羣名園客共鐘  
聲到玉洞花從竹影分招隱即看隨杖屨含香曾  
得侍蘭芬明朝更折官庭柳回首條山起暮雲

湛恩覃世冊為方轉運題

明堂天子策勲勞玉簡繽紛下碧霄秦嶺日華

官舍曉巴陵春色夜臺遙為諳杼軸空民力稍薄  
征輸達聖朝山澤不私真至德試看雲漢已垂  
昭不以山澤為私制中語也

共城午日酬雪簑見訪作

十年不見蘓耽面千里相逢甯子城豈有龍舟酬  
令節即看鶴駕慰山靈泉通碧海供垂釣石倚蒼  
穹待勒銘遙憶客星驚大史紫微光暎少微明

商園夜宿賦贈徐龍潭還宜興二首

徐卿此別意如何歎息馮唐髮欲皤永夜關山牽



客夢十年尊酒憶離歌參差江上梅花發迢遞天  
南鴈影過君去買田陽羨老乘春余亦弄滄波  
都亭執手黯消魂共醉田家濁酒尊南國風烟隨  
老別故交心事十年論經過碣石瞻龍關歸去  
滄江卧鹿門試問潘郎為今日庭前棠樹幾枝存  
壽封君陳翁翁濮人號東溪比部忠翰之父  
仙曹樓倚白雲飛仙吏瞻雲願不違海國瑤華春  
燦爛郵城芳草日霏微已聞北關龍章下復道  
西池鳳節歸自有青童揚妙曲併將綵服照恩暉

訪李于鱗幽居晨起登樓作  
百尺高樓際曉攀不知身世在人寰雲邊黛色連  
滄海天外笳聲落斷山橫逸文章千古事沉冥丘  
壑幾人間秋來蓬閣金光滿時有盧敖跨鶴還時  
有海上之約故云

寄題張中丞湖南書屋

使君卜築近南陂十載幽栖夢不移地接雲樓高  
作埒水分江灌曲通池明時強起東山卧嘉惠  
長懸北海思况有叔敖遺廟在清風千古照襟期

憶昔并序

外舅前溪熊公昔倅秦淮余以癸巳除夕  
行奠鴈禮於館舍隆慶戊辰祗役江藩復  
以除夕憇留於茲追惟往事逾三十年而  
亡荆去幃亦云二紀聊賦短章以述悲懷

末句頗涉幽異亦紀實也

憶昔乘鸞下碧空吹簫秦女出雲中金屏映酒三  
更過玉樹催春萬戶同此夜潘郎悲荏苒當年徐  
泚怨恹惚一從夢斷新人素浪說他生向海東

寄上襄垣王西軒時河東地變之後王有  
屏翰之功士人為冊贈之

長卿跋履向朱門文學長慙託後軒一自篇章傳  
狗監常將游客憶菟園山川豈識皇天意民物  
欣承帝子恩聞道鄒枚久零落聲名獨有孝王

存

望嶽

塵世空慙嶽麓居振衣即是五遊初山形東走盡  
滄海元氣中浮接太虛芳草有情傷漢蹕白雲無



夢到秦輿經行未愜登臨興浪讀南遊太史書

臨胸道中

三年浪作燕臺客九月重尋具水游芳草綠蒲迷  
舊渚野蛩山鳥近新秋相如獻賦思猶薄揚子談  
經宅故幽尚識仙臺栖隱處萬峰寒月擁虛樓

秋日登雲門用韻

紫芝翳翳曙華開黃綺仙遊不復迴山接秦華雲  
共遠地隣蓬島鶴初來萬里秋風新入峽十年塵  
夢此登臺伯圖寂寞隨流水落日空餘梁甫哀

為楊濡川憲伯題畫

誰圻滄洲入畫屏風烟漠漠照雙楹垂楊不放湖  
光白細柳偏侵澗水清衆鳥草枝爭作態雙鷺呼  
子各含情比憐久向東山隔對此空懷鷗鷺盟

挽蔣侍御

憶昔雙旌隴右還踟躕樽酒濁河邊貴陽一別三  
千里遺像重瞻十二年蔣詡竹間閑舊徑滕公石  
上有新阡可憐俯仰成今古一望山陽一泫然

孟觀察見訪謾賦

野人自愛山水居春風閉門詠子虛十里忽傳表  
令駕雙旌儼造班生廬即開南庭放山色旋築石  
溜來溪魚樽中有酒况長滿步兵不醉將焉如

早秋書懷

宮梧瑟瑟曉涼初久客空驚歲月除白髮數莖生  
計了青山十畝官情踈自憐拙疾干微祿何日狂  
歌返敝廬飄泊塞垣鴻鴈絕幾年不見上林書

余與似菴開府相期別于涇水之上余方南  
發原州而郭已西度隆城臨期悵然賦此寄

懷

別鶴徘徊失路衢與君從此各天隅臨岐實下揚  
朱淚命駕虛窮阮藉途此日中原悲鳳轄何時西  
夏起龍圖明堂結構開天地佳氣葱葱滿

帝都

秋日村居喜夏叟興見訪興堪輿家

涼風瑟瑟動前林戶外驚聞剝啄音草閣旋開迎  
負杖清尊緩酌對披襟百年悽愴松楸業三迳留  
連芳杜心忽忽景純今歲晏送君擬作白頭吟



留別大梁知己  
惆悵春花落漸多  
壯遊齊客唱離歌  
高才枚馬後  
茲別千里山川  
柰若何  
碧草滿園過  
鉅野暮潮平  
岸渡黃河多情獨有梁  
臺月夜夜隨余向薜蘿  
壽徐封君雲谷

鶴鬢蕭蕭滄渚仙  
蓬弧猶自記當年  
緋袍逸座扶  
鳩杖綵服兼  
春入壽筵禮樂四朝先  
畧在雲林三  
命近恩傳更看  
泂上垂綸地  
南極光芒夜夜懸  
春宴正軒先生第贈詩一首

鳳城迢遞多樓臺  
王孫邛第當中開  
捲簾獨見華  
山出拂坐時有薰  
風來圖史滿堂盡  
豪士刀圭入  
手真仙才  
春夜偶來醉南館  
却憶身泛星槎回

原州南地贈王陽村叅將罷歸一首

相逢一咲贈吳鉤  
萬里烽烟絕塞收  
玉璽未緣來  
日角瓊弧長欲射  
旄頭柳牽別緒風  
生幕花落征  
衣月滿樓莫以數  
奇同李廣看君燕  
領會封侯

亦且幽巖莫以樓香同平鐵香長無賦會桂新  
日自陞元身接根於既時牽限餘風主幕並  
時數一知韻吳陶萬里華回絲塞外王靈未  
未

吳山南出韻王謝林參詩韻補一首

平良山木春對謝來雜南謝時對良公星數四

山出轉坐詩百董風來圖史尚畫畫嘉士及主人

願此道盛多舞臺王德昭常中開蘇薰陶良華

馮光祿詩集卷之九

北海馮惟訥著

姪孫琦

孫珣校緝

香五言絕句

蘇武題文姬歸漢圖五首

淚逐胡沙盡愁隨漢月盈君聽隴頭水猶作別兒

聲

邊柳拂鵬旂山花照貉衣驚心問關吏春色幾時



歸

清夜笳聲發霜明萬馬嘶娉婷無限思只是雜堯

離

掩淚開鴛閣含羞理翠裳蟠踰凋落盡不似嫁時

香

浮萍無定住隨水作週迴却羨明妃草青青近紫

臺

詠定舟并序

王仲山既得告隱居五湖之上結廬齋西

林守舍曰定舟索余為詠

結廬擬蘭舟繫在五湖側湖上秋水生風波不相

失

紫貝葦為宮水蘭持作梁清風度脩竹刺刺作鳴

柳

吾生已行休輕舟亦間止日日臨前溪冷冷看秋

水

為上盤題画三絕句

上林春色早花萼照瑠楹會得東平意交交黃鳥

聲

碧茨橫眉黛紅蓮綴舞衣白頭雙翠鳥倒接芰荷

飛

密葉霜逾翠踈花晚更香誰令葵藿味得近魏侯

堂

茶艸為端玉泉題画二絕句風爽前林陳陳新鳥

洄上春光滿東風花盡開雲山無限好何日賦歸

來

柳色含秋碧楓聲帶晚寒條山雙白鴈早晚到江

干

孟觀察賦詩見貽次韻奉答三首

莊生東海上心與羣鷗忘忽見郢中人高歌作楚

狂

倒絕詩人興春風大劇狂岸花紅照舞溪水白臨

觴

山花墮酒卮曉風復作狂日下歸路遠請君更盡

觴

題画二首



秀色分珠璣清香散羅綺可憶東風來盈盈逐流水  
右桃

梁園春色好花萼四時新不怯輕寒透清粧惱殺人  
右梅

馮光祿詩集卷之十

北海馮惟訥著

姪孫琦

孫珣校緝

十七言絕句

毘陵舟夜別萬吳二明府二首

渡口雲深樹色蒼孤舟寒雨共離觴憑君莫話從

前事只是無言已斷腸

一曲離歌雙淚垂潮平風起客舟移屏營不為斯

須立愛極何時是別離  
再別徐少初明府二首

悲歌昨夜惜離羣  
九曲腸隨別路分  
江雨未休春寂寂  
那堪今日又逢君  
二即徐二首  
千里江程一夜過  
毘陵回首隔烟波  
莫嗟此後音書少  
却恨從前笑語多

次韻答吳五見懷二首

地僻經旬見使人  
南來消息未全真  
揚州東閣梅先落  
折取桃花寄早春

大江南岸瞰江樓  
去歲茲辰得共遊  
識面江花今盡發  
却令遷客戀并州

天目山歌九首  
壽吳興吳丈人  
霽寰山人大

南紀雄圖天目山  
千盤霞色照仙闌  
即看五嶽餘

靈氣不羨三丘在  
別寰

茲山盡說蘊靈竒  
瑤草金光夾路披  
地轉玉華橫作幃  
天迴震澤却為池  
南山近接赤城標  
蓬海斜瞻玉竦橋  
時有仙人停白鹿  
芙蓉峯上坐吹簫



綠髮仙人方指顱手持飛杖下三吳雲中忽聳蒼  
虬駕石上惟留紫鳳圖  
香案長朝白玉京  
仙人至野鶴翩翩作隊迎  
山翁慣住石湖邊手種蒼松不記年放鶴獨尋南  
澗路采芝常買北山田  
共說君家擁地靈烏臺華省接鑣行江東近駐王  
喬寫海內新傳季子名  
望見空中閃霧華群仙隱隱白龍車瑤海百年傳

上宴采衣三處獻春花  
東風孺子好神仙擬摘蟠桃獻壽筵湖水盈盈不  
可渡隔湖遙和白雲篇

過淮陰祠

在獲鹿縣西古井陘戰地  
五首

手提一劍渡淮河百戰摧鋒意氣多不是君王輕  
死士追亡遺恨在蕭何  
列仗分麾十萬兵山河帶礪聖君盟孤臣即死何  
能報只有當時謝蒯生  
后宮矯制除飛將名借安劉豈為劉不道周郎呼

左袒漢軍十萬盡韓侯  
千年空谷存祠廟奔走猶聞仗臘同誰遣叔孫司  
漢禮獨令野老報元功  
陘關一道通燕晉漢壘蕭蕭草色淒已說材官趨  
細柳還聞虜騎獵山西

贈大石王孫三首

桂殿岩堯石勢尊蒼鱗燁燁照天門于今不羨乘  
槎客銀漢從來接  
百丈金光倒海濱首陽盤曲近青雲曾聞媧帝留

遺跡却訝天邊五色文  
華嶽峻嶒接上台奇文面面對蓬萊吹笙只在車  
廂谷疑有緱山鶴駕來

李供奉題詩圖

傲岸仙人不可羈獨歌飛燕惱娥眉君看凝碧池  
邊奏當似清平入調時

題畫

空閨寂寂亂鶯啼愁思看春草色萋侍女不知沙  
塞遠也隨清夢到遼西



為薊門劉守備題畫二首

山圍水國鬱岩崑紫桂丹楓葉互凋記得去年秋  
雨霽携琴並過采菱橋

盤山翠嶂千峯出洵水縈迴百道長誰道江南佳  
麗地併隨圖畫入漁陽

送劉初泉守寧國四首

澄江如練綺如霞謝眺才名世所嗟此日劉寬重  
領郡獨持秋實待春華  
長孺當年侍紫宸琅琅直節動朝紳淮陽不足煩

高卧願借君行慰吏民

德業如公衆所師荆吳列郡屬推移水西諸士多  
狂簡不似文翁在蜀時

灞水長安一日程河陽京縣接飛甍知君還望三  
山上定有新篇慰別情

夏日同周海庄訪潘氏別業題壁

出郭尋幽問草玄主人開筵話桑田因悲城闕悠  
悠者絕入雲山即洞天

高任澗水圍金埒遠近雲山列翠屏即有桑麻對

彭澤不勞瑤草問方平  
杏花戲贈

杏花初日擅芬芳  
玉質盈盈照省郎  
為愛春風早  
披拂故臨雕檻出  
新粧

山土同諸友  
讌集

遙夜金樽酒不空  
隻歌宛轉出芙蓉  
憐余亦有清  
平調倩入霓裳舞曲中

寄河東清溪諸殿下四首

寒城雪盡曉氣氤  
萬樹猿聲不可聞  
東望梅花消

息斷思君一寄隴山雲

東柯赤谷尚依然  
雲樹蒼蒼渭北天  
何事相思不相見  
少陵西去又經年

天涯歲晏雪霜繁  
又見春風落塞門  
一望秦川腸  
一斷欲持芳草問王孫

冥鴻不度塞門來  
隴上梅花寒未開  
渭水悠悠日  
千里目之一寄平生懷

寄荅玉溪殿下

黃河窈窕崑崙崙  
西乘槎一望天  
漢迷試憑春水傳



雙鯉為與殷勤報玉溪

皋蘭觀兵十三首 時同鄭侍御靜山謝兵憲

東原王叅戎陽村

繡斧朝辭五柞宮更承飛詔一臨戎崑崙昨夜寒  
光徹萬里長風駕玉龍

皋蘭一戰淨胡氛千古惟聞霍冠軍二月河橋冰  
未解沙場日暮起黃雲

劉生逸氣邈難干春日來登上將壇雲陣倒隨旗  
影落雪花輕拂劍光寒

春雪霏微到地無轅門寒色接天都更看忽霍風  
雲氣總是將軍八陣圖

驃騎營中見雪華盈盈玉艷逐風斜莫言塞上無  
春色絕勝江南二月花

刀斗春寒夜不驚平沙曉日照連營但看聞外風  
雲氣大將何須問姓名

露骨山前月色高夜聞胡騎在臨洮將軍未掛平  
羗印獨倚長虹看寶刀

翩翩白面羽衣郎玄甲金戈曜日光一騎輕飛如

掣電陣前生縛左賢王  
丈八蛇矛奮若濤腰間明月掛烏號隴西年少多  
輕薄在夜爭看太白高  
喧喧蕭鼓雜鳴笳  
歆斷玉門何日靜胡沙  
平沙萬騎正騰驤捲甲橫行百戰場莫道將軍能  
制勝提兵還有謝中郎  
金城關外雪差峩龍尾山前湧白波春風一夜流  
漸盡漢使明朝歆渡河

皋蘭秀色倚雲橫  
窈窕河流翔塞清  
但使嫖姚長坐鎮漢家千載壯金城

徽州解中偶題

南山空翠逼人來  
鈴閣清清晝不開  
試問下車如昨日  
秋風落盡一庭槐

重別河中紀事三首

馮唐此別有光輝  
鳳管龍旂出絳闈  
一曲驪歌人不見  
兩行淚灑侍臣衣  
春樹晴搖鶴雀樓  
當年猶記別荊州  
于今重灑湘



東淚况對春風是舊遊  
威蕤火樹照星橋  
征客方嗟去路遙  
別有光華慰  
離索鳳城歌管雜雲韶

東孔文谷二首 三首

迢迢絳帳隔春風  
魯國諸生望孔融  
汾水悠悠不可渡  
獨將離思付冥鴻

仙人常近玉宸居  
姑射仙邊小結廬  
却笑浮生馮季子  
五年不寄一行書

發隴頭與金武別二首

金骨仙人本在山  
偶隨賣藥到人間  
憐余夙抱文園病  
借爾丹砂一駐顏

刀圭一服羽翰生  
我欲凌風訪赤城  
莫向人間惜離別  
崑丘咫尺對蓬瀛

燕甘席上贈衛北山明府二首

平生自信稽中散  
雅調今逢衛子期  
尊酒莫教容

易別高山流水世  
難知士士大夫心

無論金石與絲桐  
今樂還將古樂同  
聞道延年能

度曲莫將纍黍校元宮

雲樓詩為南陵殿下賦贈二首并序

燕南陵王少失怙恃老而孺慕不衰也因自號雲

樓而又謙抑下士士大夫多為詩贈之余

平主自亦賦云

漢世聲名梁孝王賢宗邸第接輝光宮樓直上三

千尺一望蒼雲入杳茫

先王玉柙閱金滕夾路松楸涕泗馮一自蓼莪哀

響絕于今周雅繫南陵

書冊寄三溪王孫并序

余昔守河中得交三溪王孫客歲春再過

之一見甚歡因出是冊索題余携之行李

中久未有復也今將入越勉書一絕寄之

去年別君芳草齊今來相憶鷓鴣啼多情惟有

三溪月一夜隨人到濟西

清口邂逅張水部聞高堂雙壽遠駐使庭詩

以慶之二首

崑崙懸圃絕人寰海甸乘風獨往還莫道仙郎攀

逸駕壽陽來訪八公山



西池阿母駐瑤京縹緲飛樓結五城何事扶搖下  
青鳥淮南咫尺對蓬瀛

贈邢少巖

嶧山西畔衛河濱岩穴中開駐隱淪傳道客星驚  
太史漢庭徵召有蒲輪

贈鍾文石

泗濱浮磬鬱脩脩清廟朱絃久寂寥此日琳琅歸  
上國併將鳴鳳入蕭韶

濠梁贈褚子興鷺雛戲東二絕

遂良健筆絕人羣曾向圖中識右軍淮水浮來小  
鷺白贈君欲乞永和文

嘲大石席上鼾睡

颯沓西風入楚宮飄零一夜惜花叢王孫不是耽  
高卧為愛蘭香落夢中

余解陽羨十年矣己酉夏分牧吳淞以吏事

再至作此示同遊三首

千家桑柘綠沄沄薜荔芙蓉夾岸分此日褰帷問  
風土兒童爭識小馮君

長溪水似越江回玉洞山如綠嶂開自是永嘉佳  
麗地明時再遣謝公來  
露濕蕙葭兩岸秋月明齊放木蘭舟沙鷗野鳥渾  
相狎此日非閑露冕遊  
夜涼風起碧波洄水荇分迎小鑑開隔岸采蓮聲  
不斷絃歌道是子遊來

山行口號過并陸口

鳥道迢迢背白雲  
騫駘十日度嶙峋  
山邊笑向樵夫說  
與爾同為得路人

昔日曾歌蜀道難  
親從九坂折車還  
飛魂猶在羊腸石  
何事傍人更入山

余頃有溪山洞天之遊  
大石亦動河嶽雲林  
之想限于國制  
莫能相從作紅葉圖寄余

答詩二首

御苑霜寒楓樹秋  
忽傳寒鴈不勝愁  
美人遙憶南山曲  
仙樂雲旗入畫樓

玉殿長年繫妾身  
落紅題罷暗傷神  
多情分付東橋水  
寄取溪山得意人



贈史平山  
草坪東下石嶙峋百折迴溪駐隱淪雲卧不緣明  
主棄聖朝合有不臣人

題正軒画  
記得當年初嫁時杏園春色共心期于今寂寞秋  
閨裏獨抱琵琶知恨誰

贈黃凝真羽士

仙子高秋訪玉京葛巾麻屨輅車輕殷勤為酌陽  
關酒冷雨淒風滿近城

絕句

紅塵稀見荔枝來楚客南冠咲不開有羨蜩蛄今  
覆罌枯腸終日佇鹽梅

明通奉大夫光祿寺卿少洲馮公墓誌銘  
士典

明通奉大夫光祿寺卿少洲馮公墓誌銘  
士典

賜進士第翰林院

國史檢討纂脩

會典

經筵官瀛海余繼登撰

莊皇帝之壬申歲三月二十又一日光祿寺卿致

仕少洲馮公卒子子臨輩以其年十一月二

十日葬公于堯山之原越十五年公仲孫琦

官太史始以公仲兄海浮先生狀來請銘登



謝不敏而重違太史之命乃按狀誌而銘之  
狀稱馮氏之先世為青臨朐人高祖思忠徙  
家遼左自遼左復歸于青則公父憲副公始  
也憲副公有丈夫子五人四登科第並以文  
章政事擅名于時東海馮氏遂有聲稱于天  
下公諱惟訥字汝言別號少洲正德癸酉憲  
副公為蕭令生公于蕭公生有奇質風神秀  
徹既長開敏沉毅辨悟絕倫名起齊魯間一  
試輒受廩領嘉靖甲午鄉薦登戊戌進士庚

子除宜興令宜興多大猾持吏短長善逋賦  
有逋至數十年者公至刺諸猾搏擊之按籍  
而攝逋者逋賦大集以數萬計輸之郡郡守  
大奇之謂令終弱冠耳乃老吏不如邑中咸  
惴惴無敢以少年易公者矣公嘗督諸生就  
試江陰巡江使者某以其間行縣至邑陽怒  
不候已而陰有所覲公若為弗聞也者弗應  
也使者愈怒擬它事中公調魏令會邊警沓  
至烽火徹郊閔畿南震恐公計久遠調經費



為城隍井鎮以備之未幾遷蒲守魏人擁車  
下不得發乃為更定牧馬法而去蒲劇州多  
宗室紛遷難治公治之甚容與暇嘗晉博士  
弟子俾執經問難為剖疑義士爭奮勵舉於  
鄉者視昔三倍之乙巳晉丞維揚攝守事揚  
當孔道繫公是賴而公尋以外艱歸服闋補  
松江遷南京戶部員外郎郎中壬子丁內艱  
復補北駕部出為陝西僉事分巡隴右兼督學  
政在鎮五年武備文教種之必飭邊圉無事

陞河南右叅議分守河北壬戌擢浙江提學  
副使公念兩浙士風為海內嚆矢廣布條教  
以示左質右文之意士習翕然咸歸于正癸  
亥陞山西右叅政即自其省為按察使公既  
秉憲一以彊明裁之吏民見者語次尋繹皆  
得其陰伏凜然無所受私三晉號曰神君丙  
寅陞陝西右布政使秦中多豪強馳騫閭閻  
錮屯田之利令籍不得稽公乃以法按其豪  
大搜諸伏田得萬餘頃事聞受白金文綺之



賜戊辰轉江西左布政使藩司摠錢穀日入以巨萬計吏弊蝟集公為立抽名驗收之法額外無毫髮餘羨宿弊頓祛江右歲輸諸窳器及它經費甚夥皆當出于民又吏緣為奸公私困耗公乃議令民畝出一錢以給諸務而諸絕簿書盜財物者率以輕重受刑遠近稱便焉卒未入覲

闕下精覈下吏能否無所依違天官即亟稱之曰諸方伯考覈言事鑿然有執不存兩可者

獨馮伯也是歲諸方伯去位者過半公名益起縉紳大夫咸以公輔期之而公請老之志堅不可挽矣疏上

天子惜之特進光祿寺卿予致仕云既歸始構室懇田習靜遠囂為終老計而天不憖遺不踰年逝矣公天性孝友歷官所至皆奉太夫人以行即倥傯夜歸必徐候戶外問寢食然後退其奔喪也徒跣數千里外柴毀逾禮兄弟之間自相師友友愛備至教育諸孤無異所



生以至宗戚間黨緩急皆以時周之咸得其  
歡心交遊遍天下悉當世聞人相與考德問  
業各取所長然性嚴重不可干以私仕宦三  
十餘年圖書詩卷外無長物亡疆外之交束  
脩之餽督浙學時大學士袁公遣官致書謝  
而不發其介如此為服庭訓用廉平為理所  
至吏民畏而愛之在魏有德政碑在蒲在隴  
右咸有去思碑在江右則士大夫歎服謂二  
百年所未見若小民又人人肖像于室飲食

必祝矣公雖精于吏治而雅志如儒生生平  
嗜書無所不讀每政暇即手一卷不置博涉  
而深思閱積而約取發為文章溫醇爾雅古  
歌詩取則建安近體在天寶大曆之間所著  
有風雅廣逸楚辭旁註選詩約註漢魏六朝  
詩紀文獻通考纂要唐音翼杜律刪註馮光  
祿詩集若干卷行于世公祖諱振公即憲副  
公諱裕並以公貴累贈通奉大夫陝西布政  
使司右布政使祖母李氏母伏氏並累贈夫



人配熊氏四川右布政使祐之孫累贈夫人  
先公卒繼魏氏肥鄉縣令升之孫累封夫人  
子三長子臨縣庠生娶李氏光祿寺卿用敬  
女次子蒙縣庠生早卒娶張氏凌川縣簿鑑  
女繼娶劉氏衡府引禮仲進女次子節府庠  
生娶劉氏庠生生儒女繼娶趙氏天祐女女  
二長遠漢中府同知李尹耕之子一本次適  
衛輝府知府李用和之子延綬子臨熊出餘  
俱側出孫男二長珣臨出縣庠生娶張氏庠

生燦女次瑋蒙出聘庠生周杜女孫女四長  
臨出遠開封府知府宋伯華之子庠生繩武  
餘尚劣俱蒙出曾孫一銓曾孫女一俱珣出  
史登曰立功立言古今勝事志士杰入畢力  
而思趨者也然徇俗之士往往不顧才質之  
有限官無崇卑必斬卓詭業無工拙必斬表  
炫至強役其心以爭兼能之勝捐捐然用力  
日勞所至日誦公少通仕籍循資累級數十  
年始長藩司而一旦棄去如脫屣結髮攻文



詞凌厲作者而冲雅和平無一切環竒競勝  
之氣舉世所共艷羨者一不入其心故操之  
無所強而出之常有餘不求聲而名我隨不  
務勝而人我歸可謂有道者矣是宜銘銘曰  
祠于閭碑于衢是至德之孚而寔公之粗風  
雅既瘡爰示之模是不朽之圖而寔公之餘  
生與道俱歿與化徂堯山之墟有阡而訐遇  
之者趨曰明光祿大夫

跋少洲先生詩後

少洲先生有詩如千卷貞一日從其姪孫用韞始  
得而盡讀之慨然曰先生非今人詩也今人尚藻

麗先生守冲淡今人尚矯健先生守和平今人尚

虛玄先生守沉寔若是知先生詩者宜非今人矣

矧如貞矧能知而序之願貞不知詩而性不好今



人詩獨見先生不同耳且貞為童子嘗以所業受  
知先生其於先生詩為可以為不知而無一言也  
萬曆丙戌仲夏廿日門人魏允貞頓首謹跋







